

永樂大典

卷一萬一千九百
四

永樂大典卷之一萬一千九百四 十八卷

廣

百丈廣錄

古尊宿語錄大語須辯細素須識總別語須識了義

垢棟凡說淨法造垢棟聖從九部教說向前眾生無眼須假人雕琢若於
聲俗人前說直須教渠出家持戒脩禪學慧若是過量俗人亦不得向他
與麼說如維摩詰傳大士等類若於沙門前說他沙門已受白四羯磨訖
其之全是戒定慧力更向它與麼說名非特語說不應時亦名綺語若是
沙門須說淨法造垢棟須說離有無等法離一切脩證亦離於離若於沙門
中利除習染沙門除貪嗔病不去亦名聲俗亦須教渠脩禪學慧若是一
乘僧他欲得貪嗔病去盡依在無貪將為是無色界是郭佛光明是出
佛身血亦須教渠脩禪學慧須辯清濁語濁法者貪嗔愛取等多名也清
法者菩提涅槃解脫等多名也只如今鑑覺但於清濁兩流凡聖等法色
聲香味觸法世間出世間法都不得有纖毫愛取既不愛取依住不愛取

永樂大典卷一萬一千九百四

一

將為是初善是住調伏心是聲聞人是慈筏不捨人是二乘道是禪那
果既不愛取亦不依住不愛取是中善是半字教猶是無色界先墮二乘
道先墮魔民道猶是禪那病是菩薩轉既不依住不愛取亦不作不依住
知解是後善是滿字教先墮無色界先墮禪那病先墮菩薩乘先墮魔王
位為智郭地障行郭故見自己佛性如夜見色如云佛地斷二惑一微細
所知惑二極微細所知惑故云有大智人破塵出經卷若遺得三句過不
被三段管教家舉喻如虎三跳出網喚作纏外佛無物拘繫得渠是屬然
燈後佛是最上乘是上上智是佛道上立此人是佛有佛性是導師是使
得無所碍風是無碍慧於後能使得因果福智自由是作車運載因果處
於生不被生之所留處於死不被死之所碍處於五陰如門關不被五陰
碍去住自由出入無難若能與麼不論皆得勝者乃至蟻子之身但能與
麼盡是淨妙国土不可思議此猶是解縛語彼自無癘勿傷之也佛虜善
薩等瘡但說有無等法盡是傷也有無管一切法十地是濁流河眾作清
流說豎清相說濁過患向前十大弟子舍利弗富樓那正信阿難邪信善
星等箇箇有傍樣箇箇有則候一一被導師說破不是四禪八定阿羅漢
等住定八萬劫他是依執所行被淨法酒醉故聲聞人聞佛法不能發無

上道心所以斷善根人無佛性教云。誤作解脫深坑可畏之處。一念心退。墮地獄猶如箭射。亦不得一向說退。亦不得一向說不退。祇如文殊觀音。勢至等。却未須施。洎地同類。誘引不得言他。退當與麼時。祇喚作須陀洹人。祇如今鑑覺。但不被一切有無諸法管透三句。及一切逆順境。得過問。百千萬億佛出世間。如不問相似。亦不依住不問。亦不作不依住。知解說。它者箇人退不得。量數管他不著。是佛常住世間。而不染世法。說佛轉法輪。退亦是誘佛法僧。說佛不轉法輪。不退亦是誘佛法僧。摩訶般若。不可圖度。高而無上。廣不可極。淵而無下。深不可測。語也。塚生招箭。言鑑覺。猶不是。從濁辨清。評說如今。鑑覺是除鑑覺。外別有盡是魔說。若守住。如今。鑑覺亦同魔說。亦名自然。外道說。如今。鑑覺是自己佛。是尺寸語。是圍度語。似野干。鳴。猶屬。繡膠門。本來不認。自知自覺。是自己佛。向外馳求。覓佛。假善知識。說出自知自覺。作藥。治箇向外馳求。病。既不向外馳求。病。須除藥。若執性。自知自覺。是禪。那病。是徹底聲聞。如水成冰。全冰是水。教渴難望。亦云必死之病。世醫拱手。無始不是佛。莫作佛解。佛是眾生邊。藥。無病。不要喫藥。病俱消。喻如清水。佛似甘草和水。亦如蜜和水。極是甘美。若同清水。邊數則不著不是。無是本有。亦云此理。是諸人本有。諸佛善。

未集大要卷萬九百四

二

薩喚作示珠人。從來不是箇物。不用知染解染。不用是染非染。但割斷兩頭。割斷有句。不有句。割斷無句。不無句。兩頭迹不現。兩頭提汝。不著量數。管汝不得。不是久少。不是具足。非凡非聖。非明非暗。不是有知。不是無知。不是繫縛。不是解脫。不是一切名目。何以不是實語。若為雕琢。虛空作得佛相貌。若為說道。虛空是青黃赤白。作得如云。法無有此。無可喻。故法身無為。不墮諸數。故云。聖體無名。不可說。如實理空門。難湊。喻如太未出。處處能泊。唯不能泊於火燄之上。眾生亦爾。處處能緣。唯不能緣於般若之上。參善知識。求覓一知一解。是善知識。魔生語見。故若發四弘誓願。願度一切眾生。盡然後。我始成佛。是菩薩法智。魔誓願不相捨。故若持齋戒。修禪學慧。是有漏善根。縱然坐道場。示現成等正覺。度恒沙數人。盡証辟支佛果。是善根。魔起貪著。故若於諸法。都無貪染。神理獨存。住甚深禪定。更不昇進。是三昧魔。久就耽。故至上涅槃。高欲寂靜。是魔業。若智慧。脫若于魔網。不去縱解。百本圓陀。經盡是地獄洋。若覓如佛相似。無有是處。如今。聞說不著一切善惡。有無等法。即為墮空。不知。原本。逐末。却是墮空也。求佛求菩提。及一切有無等法。是棄本逐末。祇如今。覓食助命。補破。逐末。渴則掬水喫。餘外。但是一切有無等法。都無纖毫繫念。此人。漸有輕明分。

永樂大典

卷一一九〇四

善知識不執有不執無脫得十句魔語出語不繫縛人所有言說不自稱師說如谷響言滿天下無口過堪依止若道我能說能解說我是和尚汝是弟子者箇同於魔說無端說道目擊道存是佛不是佛是菩提涅槃解脫等無端說一知一解見舉一手豎一指云是禪是道者箇語繫縛人未了義教有人天師有導師了義教中不為人天師不師於法未能依得玄鑑且依得了義教猶有相親分若是不了義教祇合聾俗人前說祇如今但不依住一切有無諸法亦不住無依住亦不作不依住知解是名大善知識亦云唯佛一人是大善知識為無兩人餘者盡名外道亦名魔說如今執是說破兩頭句一切有無境法但莫貪染及解縛之事無別語句教人若道別有語句教人別有法與人者此名外道亦名魔說須識了義教不了義教語須識遮語不遮語須識生死語須識藥病語須識逆順喻語須識總別語說道修行得佛有脩有證是心是佛即心即佛是佛說是不了義教語是不遮語是德語是升合擔語是揀穢法邊語是順喻語是死語是凡夫前語不許脩行得佛無脩無證非心非佛佛亦是佛說了義教語是遮語是別語是百石擔語是三乘教外語是逆喻語是揀淨法邊語是生語

永樂大典卷萬千九百四

三

是地位人前語從須隨洹向上直至十地但有語句盡屬法塵垢但有語句盡屬煩惱邊收但有語句盡屬不了義教了義教是持不了義教是犯佛地無持犯了義不了義教盡不許也從苗辨地從濁辨清祇如今鑑覺若從清遊數鑑覺亦不是清不鑑覺亦不是清亦不是不清亦不是聖亦不是不聖亦不是見水濁說水濁過惠水若清都無可說說却濁他水若有無問之問亦有無說之說佛不為佛說法平等真如法界無佛不度眾生佛不住佛名真福田須辨主客語貪染一切有無境法被一切有無境惑亂自心是魔王照用屬魔民祇如今鑑覺但不依住一切有無諸法世間出世間法亦不作不住知解亦不依住無知解自心是佛照用屬菩薩心是主害照用屬客塵如波說水照萬像以無功若能拜照不自玄首自然貫串於古今如云神無照功至功常存能一切處為導師眾生性識他為未曾踏佛階樣是藕膠性多時黏著有無諸法乍喫玄旨藥不得乍間格外語它信不及所以菩提樹下四十九日默然思惟智慧冥朦難說無可比喻說眾生有佛性亦謗佛法僧說眾生無佛性亦謗佛法僧若言有佛性名執著謗若言無佛性名虛妄謗如云說佛性有則增益謗說佛性無則損減謗說佛性亦有亦無則相違謗說佛性非有非無則戲論謗

始欲不說衆生無解脫之期始欲說之衆生又隨語生解益少損多故云
 我寧不說法疾入於涅槃向後反尋過去諸佛皆說三乘之法向後假說
 假立名字本不是佛向來說是佛本不是菩提向來說是菩提涅槃解脫
 等知梁擔百石擔不起且與梁一升一合擔知梁難信了義教且與梁說
 不了義教且得善法流行亦勝於惡法善果限滿惡果便到得佛則有衆
 生到得涅槃則有生死到得明則有暗到但是有漏因果翻覆無有不和
 時獻者若欲免見翻覆之事但割斷兩頭句量數管不著不佛不衆生不
 親不疎不高不下不平不等等不去不來但不著文字隔梁兩頭捉汝不得
 免吾難相形免明暗相礙實理真實亦不真是虛妄亦不虛妄不是量數
 物喻如虛空不可修治若心有少許作解即被量數管著亦如卦兆被金
 木水火土管亦如藕膠五處俱黏魔王捉得自在還家夫教語皆三句相
 連初中後善初直須教梁發善心中破善心後始名好善菩薩即非菩薩
 是名菩薩法非法非非法總與麼也若祇說一句令衆生入地獄若三句
 一時說梁自入地獄不干教主事說到如今鑑覺是自己佛是初善不守
 住如今鑑覺是中善亦不守住知解是後善如前屬然燈後佛祇是不
 不凡亦不聖莫錯說佛非凡非聖此上初祖云無能無聖為佛聖者言佛

永樂大典卷萬千四百四

四

聖者亦非九品精靈龍高等類及釋梵已來皆能通變上品精靈亦知今
 古百劫時事豈得是佛如阿脩羅王身極長大敵兩倍須彌山與帝釋戰
 時知力不如領百萬兵衆入藕絲孔裏藏通變辯才不少它且不是佛教
 語節級著緩陞降不同未悟未解時名含嘆悟了喚作佛慧故云不異舊
 時人祇異舊時行履處問斬草伐木掘地壘土為有罪報相否師云不
 得定言有罪亦不得定言無罪有罪無罪事在當人若貪染一切有無等
 法有取捨心在適三句不過此人定言有罪若透三句外心如虛空亦莫
 作虛空想此人定言無罪又云罪若作了道不見有罪無有是處若不作
 罪道有罪亦無有是處如律中本迷然人及轉相然尚不得無罪何況禪
 宗下相承心如虛空不停留一物亦無虛空相將罪何處安著亦云禪道
 不用脩但莫汚染亦云但融冶表裏心盡即得亦云但約照境祇如今熱
 一切有無等法都無貪取亦莫取著亦云合與麼學學似浣垢衣衣是本
 有垢是外來問說一切有無聲色如垢膩都莫將心湊泊菩提樹下三十
 二相八十種好屬色十二分教屬聲祇如今截斷一切有無聲色流過心
 如虛空相似合與麼學如救頭然始得臨命終時尋舊熟路行而不徹到
 與麼時新調始學無有得期臨終之時盡是勝境現前隨心所愛重處先

愛。祇如今不作惡事。當此之際亦無惡境。縱有惡境亦變成好境。若怕臨終之時。悻狂不得自由。即須如今便自由。始得。祇如今於一一境法。都無愛染。亦莫依住。知解便是自由人。如今是因臨終是果。果業已現。如何怕得。怕是古今。古若有今。今亦有古。古若有佛。今亦有佛。如今若得。直至未來際得。祇如今一念一念不被一切有無等法管。自古至今。佛祇是人。人祇是佛。亦是三昧定。不用將定入定。不用將禪起禪。不用將佛覓佛。如云法不求法。法不待法。法不行法。法不見法。自然得法。不以得更得。所以菩薩應如是正念於法。聲然獨存。亦無知獨存之法。智性自如。如非因所置。亦名體結。亦名體集。不是智知。不是識識。絕思量處。凝寂體盡。付度水亡。如海大流盡。波浪不復生。亦云如大海水。無風匝匝之波。忽知匝匝之波。此是細中之窟。亡知於知。迷如細中之細。是佛境界。從此初知名三昧之頂。亦名三昧王。亦名爾焰智出生。一切諸三昧。灌一切諸法。王子頂於一切色聲香味觸法。刹土成等正覺。內外通達。悉無有闕。一色一塵。一佛一色。一切佛一切色。一切塵一切佛一切色聲香味觸法。亦復如是。一一偏滿一切刹土。此是細中之窟。是善境界。是一切上流。知覺聞見亦是一切上流。出生入死。度一切有無等。是上流所說。亦是上流涅槃。是無上道。是

無等呪。是第一之說。於諸說中。最為善深。無人能到。諸佛護念。猶如清波。能說一切水。清濁深流廣大之用。諸佛護念。行住坐卧。若能如是。我時為現。清淨光明身。又云如汝自等語等。我亦如然。一佛刹聲。一佛刹音。一佛刹味。一佛刹觸。一佛刹事。悉皆如是。從此上至蓮華藏世界。縱廣皆如是。若守初知。為解名頂結。亦名墮頂結。是一切塵勞之根本。自生知見。無繩自縛。所知故。繫世有二十五。又散一切諸煩惱門。縛著於他。此初知二乘見之名。為爾焰識。亦名微細煩惱。使即斷除。既得除已。名為回神住空窟。亦名三昧酒所醉。亦名解脫魔所縛。世界成壞。定力所持。漏向別國土。都不覺知。亦名解脫深坑。可畏之處。菩薩悉皆遠離。亦云失脚作轉輪王。今四天下人。一日行十善。此福智猶不能算。自己雖覺名王。緣念者有無諸法。名轉輪王。祇如今於藏腑中。都不納一切有無等法。離四句外。名空。空名不死藥。為喚前王名不死藥。雖云不死藥。與王共服。亦非二物。亦非一物。若作一二解。亦名轉輪王。祇如今有人。以福智四事。供養四百萬億阿僧祇世界。六趣四生。隨其所欲。滿八十年已。復作是念。然此眾生。皆已衰老。我當以佛法而訓導之。令得須陀洹果。乃至阿羅漢道。如是施主。但施眾生。一切樂具。功德而自無量。何況令得須陀洹果。乃至阿羅漢道。功

德無量無邊。猶不如第五十人問經。隨喜功德。報恩經云。摩耶夫人。生五百太子。盡得辟支佛果。而皆滅度。各各起塔供養。一一禮拜。嘆言。不知生於一子。得無上菩提。省我心力。祇如今於百千萬眾中。有一人得者。價值三千大千世界。所以常勸求人。須宜解自理。自理若玄。使得福智。如貴使賤。亦如無住車。若守此作解。名慧中珠。亦名有價寶珠。亦名運真入。若不守此為解。如王髻中明珠。與之。亦名無價大寶。亦名運真出。佛真是經外人。却來體內。與麼作佛。真是生死那邊人。真是玄絕那邊人。却來向者岸。與麼作佛。人及獼猴。俱不能行。人喻十地菩薩。獼猴喻凡。讀經有教。求一切知解。不是一向不許解得。三乘教。善得瓔珞莊嚴。具得三十二相。窟宅覓佛。即不得。教云。貧者小乘。三藏學者。猶不許親近。何況自為。是破戒比丘。名字羅漢。涅槃經中。被配八十六惡律儀中。同於吹獵漁捕。而利養故。殺害大乘方等。猶如甘露。亦如毒藥。消得去。如甘露。消不去。如毒藥。讀經者。教若不解。他生死語。決定遠它。義句不過。莫讀兼第一。亦云須有教。亦須參善知識。第一須自有眼。須辨它生死語。始得。若辯白不得。決定遠不過。祇是重增比丘繩索。所以教學。玄旨。人不遺讀文字。如云。說體不說相。說義不說文。如是說者。名真說。若說文字。皆是誹謗。是名邪說。菩薩若

水樂大典卷萬五千四百

六

說。當如法說。亦名真說。當今眾生。持心不持事。持行不持法。說人不說字。說義不說文。說道欲界無禪。亦是帶一隻眼人語。既云欲界無禪。憑何得至色界。先因地。上智二種定。然後得至初禪。有想定。無想定。有想定。生色界。四禪等。天無想定。生無色界。四空等。天欲界。灼然無禪。禪是色界。問如今說。此土有禪如何。師云。不違不禪。是如來禪。離生禪想。問如何是有情無佛性。無情有佛性。師云。從人至佛。是聖情教。從人至地獄。是凡情教。祇如今但於凡聖二境。有深愛心。是名有情無佛性。祇如今但於凡聖二境。及一切有無諸法。都無取捨心。亦無無取捨知解。是名無情有佛性。祇是無其情繫。故名無情。不同木石太虛。黃花翠竹之無情。將為有佛性。若言有者。何故經中不見受記。而得成佛者。祇如今雖覺。但不被有情改變。譬如華竹。無不應機。無不知時。喻如黃花。又云。若踏佛階梯。無情有佛性。若未踏佛階梯。有情無佛性。僧問大通智勝佛。十劫坐道場。佛法不現前。不得成佛道。如何。師云。劫者滯也。亦云住也。住一善。滯於十善。西國云。佛此土云。覺自己。鑒覺。滯著於善。善根人無佛性。故云佛法不現前。不得成佛道。觸惡住惡。名眾生覺。觸善住善。名聲聞覺。不住善惡。二邊不依住。將為是者。名二乘覺。亦名辟支佛覺。既不依住善惡二邊。亦不作。不依住知解。

永樂大典

卷一一九〇四

名菩薩覺既不依住亦不作無依住知解始得名為佛覺如云佛不住佛
 名真福田若於千萬人中忽有一人得者名無價寶能於一切處為導師
 無佛處云是佛無法處云是法無僧處云是僧名轉大法輪問從上祖宗
 皆有密語連相傳授如何師云無有密語如來無有秘密藏祇如今盤覺
 語言分明覓形相了不可得是密語從須陀洹向上直至十地但有語句
 盡屬法之塵垢但有語句盡屬煩惱邊收但有語句盡屬不了義教但有
 語句盡不許也了義教俱非也更討什麼密語問空生大覺中如海一漚
 發如何師云空喻於漚海喻於性自己靈覺之性過於虛空故云空生大
 覺中如海一漚發問伐林莫伐樹如何師云林者喻於心樹者喻於身因
 說林故生怖故云伐林莫伐樹問語也琛生招箭言既琛生不得無恙
 患累既同繩素何辯師云但却發箭途中相柱如其相差必有所傷谷中
 尋響累劫無形響在口邊得失在於來問却問所歸還被於箭亦知知幻
 不是幻三祖云不識玄旨徒勞念靜亦云認物為見如持瓦礫用持何為
 若言不見木石何珠是故見與不見二俱有失舉一例諸問本無煩惱三
 十二相如何師云是佛邊事本有煩惱今有三十二相祇如今凡情是問
 無邊身菩薩不見如來頂相如何師云為作有邊見無邊見所以不見如

永樂大典卷萬千九百四

七

來頂相祇如今都無一切有無等見亦無無見是名頂相現問如今沙門
 盡言我依佛教學一經一論一禪一淨一色一香一味於一切有無諸法一
 消得否師云但約如今照用一聲一色一香一味於一切有無諸法一一
 境上都無纖塵取染亦不依住無取染亦無不依住知解者箇人日食萬
 兩黃金亦能消得祇如今照一切有無等法於六根門頭刮削併富貪愛
 有纖毫治不去乃至乞施主一粒米一縷線箇箇披毛戴角牽犁看皂一
 一須償它始得為不依佛佛是無著人無求人無依人如今波波貪覓佛
 盡皆背也故云久親近於佛不識於佛性唯觀教世者輪回六趣中久乃
 見佛者為說佛難值文殊是七佛祖師亦云是娑婆世界第一主首菩薩
 無端作見佛想問法想被佛威神力故猶降二鐵圍山不是不解持與諸
 學人作標則分諸後學人莫作與麼見問但無一切有無等法有無等見
 一一箇箇透過三句外是名如意寶是名寶華承足若作佛見法見但是
 一切有無等見名眼翳見所見故亦名見纏亦名見蓋亦名見孽祇如今
 念念及一切見聞覺知及一切塵垢法得盡但是一塵一色一色一佛但
 起一念恣是一佛三世五隆念念誰知其數是名佛闍塞虛空是名分身
 佛是名寶塔現是以事歎言嗟見今日所依之命依一顆米一莖菜餉時

不得食。飢死。不得水。渴死。不得火。寒死。火一日不生。火一日不死。被四大
 把定。不如先達者。入火不燒。入水不溺。倘要燒便燒。要溺便溺。要生即生。
 要死即死。去住自由。者箇人有自由分心。若不亂。不用求佛求菩提涅槃。
 若著佛求屬會。會變成病。故云佛病最難治。請佛毀法。乃可取食。食者是
 自己靈覺性。無漏飯解脫食。此語治十地菩薩病。是從初至十地也。祇如
 今但有一切求心。盡名破戒。比丘名守羅漢。盡名野干。灼然銷他供養不
 得。祇如今聞聲如響等。嗅香如風等。離一切有無等法。亦不住於離。亦無
 不但知群。此人一切罪垢。不能相累。為求無上菩提涅槃。故名出家。猶是
 邪願。況乎世間詩論。竟勝有說。我能我解。貪一門徒。愛一弟子。戀一住處。
 結一檀越。一衣一食。一名一利。又言我得一切無聞。祇是自註。祇如今能
 於自己五陰。不為其主。被人割截。節節支解。都無怨吝之心。亦不煩惱。乃
 至自己弟子。被人鞭打。捉頭至足。如上一一等事。都無一念。生彼我心。猶
 依住。無一念將為是。此名法塵垢。十地之人。脫不去流。入生死河。所以常
 勸眾人。須懼法塵煩惱。如懼三塗。乃有獨立分。假使有一法過於涅槃者。
 亦無少許。生珍重想。此人步步是佛。不做脚踏蓮華。分身百億。祇如今於
 一切有無等法。有纖毫愛染心。縱然脚踏蓮華。亦同魔作。若教本清淨。本

永樂大典卷萬九百四

解脫。自是佛。自是禪。道解者。即屬自然。外道若執因緣。修成證得者。即屬
 因緣。外道執有。即屬常見。外道執無。即屬斷見。外道執亦有。亦無。即屬邊
 見。外道執非有。非無。即屬空見。外道亦云。愚癡。外道祇如今。但莫作佛見。
 涅槃等見。都無一切有無等見。亦無無見。名正見。無一切聞。亦無無聞。名
 正聞。是名摧伏外道。無凡夫魔來。是大神呪。無二乘魔來。是大明呪。無善
 薩魔來。是無上呪。乃至亦無佛魔來。是無等等呪。一變眾生。詔由修羅。二
 變二乘。詔由修羅。三變菩薩。詔由修羅。是三變淨土。但是一切有無。凡聖
 等法。喻如金礦。自己如理。喻如於金。金與礦。各相去離。真金露現。恐有人
 覓錢覓寶。變金為錢。與他亦如。麩麩。真正無諸沙。內有人乞飽。變麩為餅。
 與他亦如。智良善解。王意。王若行時。索仙陀婆。即便奉馬。食時。索仙陀婆。
 即便奉盃。此等喻。學玄旨。人吾能通達。應機不失。亦云。六絕。師子。提公云。
 隨人造作。百變。十地菩薩。不飢不飽。入水不溺。入火不燒。倘要燒。且不可
 得燒。它被量數。管定。佛則不與。麼入火不燒。倘要燒。便燒。要溺。便溺。他使
 得四大風水。自由。一切色。是佛色。一切聲。是佛聲。自己。淨穢。詔由心。盡遠
 過三句外。得說此語。善薩清淨。弟子明白。所有言說。不教無有一切。照用。
 不拘清濁。有病不藥。藥是愚人。無病與藥。藥是聲聞。人定。執一法。名定。性賢。

聞一向多聞名增上慢聲聞。知他名有學聲聞。沈空滯寂。及自知名。無學聲聞。昏瞶癡等。是毒。十二分教。是藥。毒未銷藥不得除。無病與藥。藥變成病。病去藥不消。不生不滅。是無常義。涅槃經云。有三惡欲。一欲得四眾圍繞。二欲得一切人。為我門徒。三欲得一切人。知我是聖人。及阿羅漢。迦葉經云。一欲求見未來佛。二欲求轉輪王。三欲求利利大姓。四欲得婆羅門大姓。乃至厭生死。求涅槃。如是惡欲。先須斷之。極如今。但有取染。違念。盡名惡欲。盡屬六天。德被波旬。管問二十年。中常令除。真如何。師云。但息一切。有無知見。但息一切。貪求。箇箇透過。三句外。是名除真。極如今。求佛求善。捉求一切。有無等法。是名運真。人不名運真。出。極如今。作佛見。作佛解。但有所見。所求。所著。盡名戲論之真。亦名。虛言。亦名。死語。如云。大海不腐。死屍等。閑說話。不名戲論。說者。辯清濁。名戲論。教文。都摠有二十一。般空。淘擇。眾生。塵累。沙門。持齋。持戒。忍辱。柔和。慈悲。喜捨。尊常。是僧家法。則會與麼會。宛然。依佛教。祇是不許貪著。依教。若希望得佛。得善。捉等法者。似手觸火。文殊云。若起佛見。法見。應當害已。所以文殊。執劍於瞿曇。焉。操持刀於釋氏。如云。善。陸行。五無間。而不入無間地獄。他是。玄通無間。不同。眾生。五逆無間。從波旬。直至佛。盡是垢膩。都無纖毫。依教。如是。名二來道。况

永樂齋卷萬九百四

九

于諍論。覓勝負。說我。能我。解。祇名諍論。僧。不名無為。僧。祇如今。但不會。深一切。有無。諸法。是名無生。是名正信。信著一切法。名信不具。亦名信不圓。亦名偏信。不具。故名一闍提。如今。欲得。善。直悟解。但入法俱。派。入法俱。絕。入法俱。空。透三句外。是名不墮。諸數人者。是信法者。是戒。施。聞。慧。等。善。薩。思不成佛。思不作眾生。思不持戒。思不破戒。故云。不持不犯。智濁。照清。慧清。識濁。在佛名。照慧。在善。薩名。智。在二來。及眾生。邊。則名。識。亦名。煩惱。在佛名。果。中。說。因。在眾生。名。因。中。說。果。在佛名。轉法輪。在眾生。名。法輪。轉。在善。薩名。瓔珞。莊嚴具。在眾生。名。五陰。業林。在佛名。本地。無明。是無明。明。故云。無明。為道體。不同。眾生。暗蔽。無明。彼是所。此是能。彼是所。問。此是能。問。不一。不異。不斷。不常。不來。不去。是生語句。是出。轍語句。不明。不暗。不佛。不眾生。提。與。摩也。來。去。斷。常。佛與。眾生。是死語。偏。不偏。同。異。斷。常。等。是外。道。義。般。若。波。羅。蜜。是。自己。佛。性。亦。云。摩。訶。衍。摩。訶。是。大。義。衍。是。乘。義。若。守。住。自己。知。覺。又。成。自然。外。道。不用。守。如。今。繼。覺。不用。別。求。佛。若。更。別。求。又。屬。因。緣。外。道。此。土。初。祖。云。心。有。所。是。必。有。所。非。若。貴。一。物。則。被。一。物。惑。若。重。一。物。則。被。一。物。惑。信。被。信。惑。不信。又。成。諍。莫。貴。莫。不。貴。莫。信。莫。不。信。佛。亦。不。是。無。為。雖。不。是。無。為。又。不。是。實。實。猶。如。虛。空。佛。是。大。心。眾。生。繼。覺。多。繼。覺。

雖多它鑑覺清淨。貪瞋鬼捉他不着。佛是纏外人。無纖毫愛取。亦無無愛。取知解。是名具足六度萬行。若要莊嚴具種種。皆有如不要他。不用亦不失。他使得因果福智自由。是修行。非是執勞負重。與作修行。却不與度。三身一體。一體三身。一者法身。實相佛法身。佛不明不暗。明闇屬幻化。實相由對虛得名。本無一切名目。如云佛身無為。不墮諸數。成佛獻蓋等。是升合穩語。要從濁辨清得名。故云實相法身。佛是名清淨法身。昆盧遮那佛。亦名虛空法身。佛亦名大圓鏡智。亦名第八識。亦名性宗。亦名空宗。亦名佛居不淨不穢。上亦名在室師子。亦名金剛。後得智。亦名無垢檀。亦名第一義空。亦名玄旨。三祖云。不識玄旨。徒勞念靜。二報身佛。菩提樹下佛。亦名幻化佛。亦名相好佛。亦名應身佛。是名圓滿報身。盧舍那佛。亦名平等性智。亦名第七識。亦名耐因。答果佛。同五十二禪。那數同阿羅漢。辟支佛。同一切善菩薩等。同受生滅等苦。不同眾生繫業等苦。三化身佛。祇如今於一切有無諸法。都無會染。亦無無染。離四句外。所有言說。辯才。名化身佛。是名千百億化身。釋迦牟尼佛。亦名大神變。亦名遊戲神通。亦名妙觀察智。亦名第六識。供養者淨三業。前際無煩惱。可斷。中際無自性。可守。後際無佛可成。是三際斷。是三業清淨。是三輪空。是三體空。云何比丘。給侍於

水樂大卷萬九百四

十

佛所謂不漏六根者。亦名莊嚴空。無諸漏林樹莊嚴空。無諸染花果莊嚴空。無佛眼約修行人。法眼辨清濁。亦不作辨清濁。知解是名。乃至無眼。實積經云。法身不可以見聞覺知求。非肉眼所見。以無色故。非天眼所見。以無妄故。非慧眼所見。以離相故。非法眼所見。以離諸行故。非佛眼所見。以離諸識故。若不作如是見。是名佛見。同色非形色。名真色。同空非太虛。名真空。色空亦是藥病相治語。法界觀云。不可言即色。不即色。亦不可言即空。不即空。眼耳鼻舌身意。不納一切有無諸法。名轉入地七地。七地菩薩不退七地。向上三地。菩薩心地。明白易染。說大即燒。從色界向上。布施是病。慳貪是藥。從色界向下。慳貪是病。布施是藥。有作者。割斷世間。法但不身。手作無過名。無作或。亦云無表戒。亦云無漏戒。但有舉心動念。盡名破戒。祇如今。但不被一切有無諸境惑亂。亦不依住。不感亂。亦無不依住。解。是名偏學。是名勤護念。是名廣流布。未悟未解時名。悟了名。子。亦無無悟解。知解。是名母子俱喪。無善纏。無惡纏。無佛纏。無眾生纏。量數亦然。乃至都無量數纏。故云佛是出纏過量人。會愛知。群義幻。如母愛子。唯多與兒酥契。消與不消。都從不知。此語喻十地。受人天尊貴煩惱。生色界無色界。禪定福樂煩惱。不得自在神通。飛騰隱顯。偏至十方。諸佛淨土。聽法

永樂大典

卷一一九〇四

之煩惱學慈悲喜捨因緣煩惱學空平等中道煩惱學三明六通四無所
煩惱學大乘心發四弘誓願煩惱初地二地三地四地明解煩惱五地六
地七地諸知見煩惱八地九地十地菩薩雙照二諦煩惱乃至學佛果百
萬阿僧祇諸行煩惱唯會義句知解不知却是繫縛煩惱故云見河能漂
香象問見否答曰見問見後如何答曰見無二既云見無二不以見見於
見若見更見為前見是為後見是如云見見之時見非是見見猶離見見
不能及所以不行見法不行問法不行覺法諸佛疾與授記難曰見既不
是授記之言復何用記師云先悟宗人不被一切有無諸法相拘如洗垢
衣故云離相名佛虛盡不存中旨獨玄玄達一路同道後進契其階故云
授記耳無明為父貪愛為母自己是病還醫自己是藥自己是刀還殺自
己無明貪愛父母故云殺父害母一語類破一切法契非時食者亦復如
是祇如今但是一切有無等法盡是契非時食亦名惡食是穢食置於寶
器是破或是妄語是雜食佛是無求人如今貪求一切有無諸法但是所
有所作皆背也却是謗佛但有貪染盡名殺子然如今但不貪染亦不依
住不貪染亦無不依住知解是名般若火是燒手指是不惜軀命是即耶
支解是出世間是掌世界於他方祇如今若於十二分教及一切有無諸

永樂大典卷一萬九百四

十一

法於藏腑中有纖毫停留是不出網但有所求所得但有生心動念盡名
野干祇如今於藏腑中都無所求都無所得此人是大神主是師子吼亦
不依住無所得亦無不依住知解是名六絕障子人我不生諸惡不起是
納須彌於芥子中不起一切貪嗔八風等是悉能吸四大海水入口中不
受一切虛妄語言是不入耳中不令身起一切惡於人是納一切火於腹
中祇如今於一一境不惑不亂不嗔不喜於自己六根門頭剝削併當得
淨潔是無事人勝一切知解頭陀精進是久天眼亦名了照為眼是名法
界性是做車載因果佛出世度眾生則前念不生後念莫續前念業謝名
度眾生前念若嗔即將喜藥治之即名為有佛度眾生但是一切言教祇
如治病為病不同藥亦不同所以有時說有佛有時說無佛實語治病病
若得瘥箇箇是實語治病若不瘥箇箇是虛妄語定語是虛妄語生見故
虛妄是實語斷眾生顛倒故為病是虛妄祇有虛妄藥相治佛出世度眾
生是九部教語是不了義教語瞋及喜病及藥祇是自己更無兩人何處
有佛出世何處有眾生可度如經云實無眾生得滅度者亦云不愛佛善
提不貪染有無諸法名為度它亦不守住自己名為自度為病不用藥亦
不同處方不同不得一向固執依佛依善提等法盡是依方故云至於智

者不得一向教中所辯喻於黃葉亦如空拳誑小兒若人不知此理名同無明如云行般若菩薩不得取我語及依教勅瞋如石頭愛如河水祇如今但無煩無愛是透山河石壁直為治聲俗病多聞辯說治眼病從人至佛是得從人至地獄是失是非亦然三祖云得失是非一時放却不執住一切有無諸法是名不住有緣亦不依住不依住是名不住空思執自己是佛自己是禪道解者名內見執因緣修証而成者名外見誌公云內見外見俱錯眼耳鼻舌各各不貪染一切有無諸法是名受持四句偈亦名四果六入無迹亦名六通祇如今但不被一切有無諸法關亦不依住不關亦無不依住知解是名神通不守此神通是名無神通如云無神通菩薩是迹不可尋是佛向上人最不可思議人是自己天是智照讚即喜喜者屬境界是天讚是人天交接兩得相見亦云淨智為天正智為人本不是佛而渠說是佛名躰結祇如今但莫作佛知解亦無無不依住知解是名滅結亦名真如亦名躰如求佛求菩提名現身意祇如今但有一切求心盡名現身意如云求菩提雖是勝求重增塵累求佛是佛眾求一切有無諸法是眾生眾祇如今鑑覺但不依住一切有無諸法是不入眾數祇如今於一一聲香味觸法等不愛於一一境不貪但無十句濁心是了

永樂大典卷之萬千九百

因成佛學文句竟解者名緣因成佛見佛知佛則得說佛有知有身却是謗佛若云佛知佛見佛聞佛說即得見火即得火見即不得如刀割物即得物割刀即不得知佛人見佛人比量智世間譬喻是順喻不了義教是順喻了義教是逆喻捨頭目髓腦是逆喻如今不愛佛菩提等法是逆喻難捨喻於頭目髓腦聞佛人說佛人如恒河沙是佛知是佛見是佛聞是佛說萬中無一祇為自無眼依它作眼教中喚作比量智祇如今貪佛知解亦是如照著一切有無境法名頭被一切有無境法相挽著名手都未照前境時名髓腦聖地習凡因佛入眾生中同類誘引化導同渠餓鬼肢節火然與渠說般若波羅密令渠發心若一向在聖地憑何得至彼共渠語佛入誅類與眾生作船筏同渠受苦無限勞極佛入苦處亦同眾生受苦佛祇是去住自由不同眾生佛不是虛空受苦何得不苦若說不苦此語違真等閑莫說錯說佛神通自在不自在且慚愧人不敢說佛是有為是無為不敢說佛自由不自由除讚藥方外不欲得露現兩頭醜陋教云若人安佛菩提置有所是過其人得大罪亦云如不識佛人前向渠與麼說無過如無漏牛乳能治有漏病其牛者不在高原不居下隲此牛乳堪作藥高原喻於佛下隲喻於眾生如云來寄智法身又無此病辯才無聞昇騰自

在不生不滅。是名生老病死疼痛瘡瘻。是時與茵莖患痢疾而終。是時為藏明頭。透明暗都遣。莫取無取亦無取。他不明明不暗。王宮生納耶輸陀羅。八相成道。聲聞外道妄想所計。如云非離食身。純陀云。我知如來決定不受不食。第一須具兩隻眼。照破兩頭事。莫依帶一隻眼。向一邊行。即有那箇。達到功德天。黑暗女相隨。有智主人。二俱不受。祇如今心。如虛空相似。學始有所成。西國高祖云。雪山喻大涅槃。此上初祖云。心如木石。三祖云。兀爾忘緣。曹云。善惡都莫思量。先師云。如迷人。不辨方所。華公云。問智塞聰。獨覺冥冥者矣。文殊云。心同虛空。故敬禮無所觀。甚深修多羅。不聞不受持。祇如今。但是一切有無諸法。都不見不聞。六根杜塞。若能與麼學。與麼持。經始有修行分者。箇語。違耳苦口。可中與麼作得。至第二第三生。能向無佛處。坐大道場。示現成等正覺。變惡為善。變善為惡。使惡法教化十地菩薩。使善法教化地獄餓鬼。能向明處。解明縛。能向暗處。解暗縛。極全成上。極上成全。百般作得。變弄自由。於恒沙世界外。有求救者。婆伽婆。即披三十二相。現其人前。同渠語音。與渠說法。隨機感化。應物殊形。變現諸趣。離我所。猶屬彼邊事。猶是小用。亦是佛事門中。收大用者。大身隱於無形。大音匿於希聲。如木中之火。如鐘鼓之聲。因緣未具時。不可言其

有無。傍報生天。棄之如涕唾。菩薩六度萬行。如乘死屍過岸。如在牢獄。刑孔得出。佛披三十二相。喚作垢膩之衣。亦云。若說佛一向不受五陰。無有是處。佛不是虛空。何得一向不受。佛祇是去住自由。不同衆生。從一天界至一天界。從一佛刹。至一佛刹。諸佛常法。又云。若據三乘教。受它信施。供養。他在地獄中。菩薩行慈悲。同類化道報恩。不可常在涅槃。又言。如火見火。但莫手觸。火不燒人。祇如今。但無十句濁心。貪心。嗔心。深心。瞋心。住心。依心。著心。取心。戀心。但是一句。各有三句。箇箇透過三句外。但是一切照用。任聽縱橫。但是一切舉遣。施為。語默啼笑。盡是佛慧。靈寶語錄。送廣華嚴歸鸞峯。海山孤僻。非蓮島。霧冷雲深。松桂老。有客凝冬。何太高。臣野宵征。苦相討。岳房香。香凌寒空。冰霜落落。分譚叢。推云。百城。況古月。自笑八面。生清風。俄然別我。還歸去。惠理之徒。望回馭。重重無盡。樓閣門。到必為時。畧輕據。

湖廣

建置沿革。大明清類天文分野之書。為首荆州之域。星分翼轸。次為鶻尾。楚分周。自夫王時。入丁楚。楚能渠封。其子紅。為鄂上。

鄂名防。此今武昌。是也。春秋時謂之夏濟。秦屬南郡。漢高帝置江夏郡。有鄂縣。沙羨二縣。獻帝時。黃祖始於沙羨置也。今鄂治是也。三國吳孫權

置江夏郡於此後自公安徙治鄂更名武昌故主武昌郡而沙羨武昌二
 縣屬焉武昌之名始此晉置鄂縣武昌如故元康元年以武昌改屬江夏
 江夏仍屬荊州宋江夏郡治夏口武帝置鄂州治江夏梁陸法和以鄂州
 歸齊齊不能守後遂梁隋開皇七年改曰鄂州帝置鄂州為江夏郡唐武
 德四年復為鄂州貞觀元年屬江南道開元二十一年又屬江南西道天
 寶元年改江夏郡乾元初復為鄂州永泰後置岳鄂觀察使元和初陞武
 昌軍節度五年罷之寶曆元年陞為武昌軍五代南唐仍為武昌軍宋開
 寶八年屬江南道至道三年改為荊湖北路建炎四年置安撫使紹興六
 年為湖東安撫使治所尋復為荊湖北路嘉定十三年無沿江制置兼定
 元年為荊湖制使治所咸淳七年罷之元至元十一年立本道安撫司馬
 行中書省至四年更治鄂州路又立湖北道宣慰司併鄂州省入潭州行
 省十八年復遷行省於此移宣慰司於漢陽府大德五年改曰武昌路

國朝諸司職掌

衙門

永樂大典卷一萬千九百

古

湖廣布政使司 左右布政使各一員 左右叅政各一員
 左右叅議各一員 經歷司經歷一員 都事一員
 照磨所照磨一員 檢校一員 理問所正理問一員
 副理問一員 提控按牘一員 司獄一員
 湖廣提刑按察司 按察使一員 副使各一員
 僉事員數不詳 經歷司經歷一員 知事一員
 照磨所照磨一員 檢校一員 司獄司司獄一員
 湖廣都指揮使司 都指揮使二員 指揮同知二員
 都指揮僉事四員 經歷司經歷一員 都事一員
 斷事司正斷事一員 副斷事一員

郡邑

武昌府	江夏縣	武昌縣	蒲圻縣	嘉魚縣
咸寧縣	崇陽縣	通城縣	興國州	通山縣
大冶縣	黃州府	黃岡縣	黃陂縣	麻城縣
羅田縣	蕪水縣	蘄州	廣濟縣	黃梅縣
荊州府	江陵縣	松滋縣	石首縣	公安縣

永樂大典

卷一一九〇四

潛江縣	監利縣	枝江縣	歸州	興山縣
巴東縣	夷陵州	宜都縣	長陽縣	遠安縣
荊門州	當陽縣	常德府	武陵縣	沅江縣
桃源縣	龍陽縣	澧州	石門縣	安鄉縣
慈利縣	永川府	零陵縣	東安縣	新陽縣
道州	永明縣	江華縣	寧遠縣	寶慶府
邵陽縣	新化縣	武岡州	新寧縣	辰州府
沅陵縣	盧溪縣	辰溪縣	溆浦縣	沅州
黔陽縣	麻陽縣	長沙府	長沙縣	善化縣
安化縣	寧鄉縣	湘陰縣	湘潭縣	湘鄉縣
益陽縣	醴陵縣	攸縣	茶陵縣	瀏陽縣
衡州府	衡陽縣	衡山縣	安仁縣	邵縣
常寧縣	耒陽縣	新城縣	桂陽州	藍山縣
臨武縣	東陽府	東陽縣	宜城縣	房縣
棗陽縣	穀城縣	南漳縣	上津縣	光化縣
竹山縣	均州	鄖縣	漢陽府	漢陽縣
永樂大典卷一萬千九百一十五				
漢川縣	德安府	安陸縣	雲夢縣	孝感縣
應城縣	隨州	應山縣	岳州府	巴陵縣
臨湘縣	華容縣	平江縣	安陸州	京山縣
沔陽州	景陵縣	郴州	宜章縣	桂東縣
永興縣	桂陽縣	興寧縣	靖州	會同縣
通道縣	綏寧縣			
田土	計二百二十萬二千一百七十五頃七十五畝			
戶口	八戶七十七萬五千八百五十一戶	人口四百七十萬二千六百六十口		
稅糧	夏稅 米麥壹拾叁萬八千柒佰陸十六石	秋糧 米二佰三十二萬三千六百七十七石		
軍衛	十八匹			

茶陵衛

武昌衛

武昌左衛

黃州衛

永州衛

岳州衛

新州衛

施州衛

長沙護衛

辰州衛

安陸衛

襄陽衛

常德衛

寶慶衛

沔陽衛

長沙衛

衡州衛

瞿塘衛

鎮遠衛

平溪衛

清浪衛

偏橋衛

五開衛

九溪衛

荊州左護衛

荊州中護衛

靖州衛

永定衛

柳州千戶所

夷陵千戶所

桂陽千戶所

德安千戶所

中州千戶所

安福千戶所

道州千戶所

大庸千戶所

天平千戶所

麻連千戶所

枝江千戶所

武崗千戶所

崇山千戶所

長寧千戶所

武昌左右中三護衛

王沂伊濱集送武秀才還湖廣 衡岳之峯七十二祝融特起摩青冥連

巒疊峰妬奇秀盤屈怒作蛟蛇形嘘雲吐霧埋不得空翠飛飛落洞庭武

生家居洞庭上湖水為沼山為屏橘州種樹等千戶石鼓讀書窮六經笑

香白畫鷗鶴下鼓瑟清夜魚龍聽一朝結束催客下思與眾人朝滄溟舍

毫擬獻上林賦置體亦厭使門鯖東華塵土紅撲帽夢寐汀洲蘭芷馨腐

儒老眼千年青遠看南極老人星安得酒妨載酒行長與酒徒同醉醒

國朝何蠖庵集送謝子厚侍親移成湖廣 四月江豚吹浪花蓑艖又泛上

木樂大套卷一萬平九百四

十六

天棧潭戎事異心猶壯獨未才高思更賒客裏光陰違養志天涯風俗屢

移家將軍此日清遊處黃鶴樓前倚釣沙元張翥蠅庵集送曹鑑克明白

浙省員外遷湖廣 上流形勢控荊揚撾鼓飛帆入武昌華府一時登俊

傑朝廷今日際明良南樓詞翰題鸚鵡北斗旌旗下鳳凰好折楚芳蓮寄

與美人秋水遠相望江湖後集自廣詩 今古紛紛孰控搏太平方寸豁

憂端後千年去人何似外九州來天更寬風雨南山飛霹靂江湖北斗掛

欄干要知元命真消息滄海龍神自屈蟠元王沂詩晨興間賜妃入廣火

心吾 遠傳天上降宮花重拜丹拜踏御沙彈看飛鴻思故國嬌羞馬上

問誰家珊瑚作枕分龍席錦綉堆床壓象

牙適意相知南北異帛書休寄雁行斜

廣西

大明清類天文分野之書府一十三一府屬千戶分十一府屬
其於分州四十二屬其於分縣五十四四縣屬千戶分五十五縣

屬其於分

所屬

桂林府

南寧府

潯州府

柳州府

慶遠府

平樂府

思明府

太平府

田州府

來安府

鎮安府

梧州府 詳西字

廣東

大明清類天文分野之書府一十二府屬其分八府屬千分四十九縣屬千分

所屬

廣州府

惠州府

肇慶府

南雄府

韶州府

雷州府

瓊州府

高慶府

廉州府

梧州府 詳西字

永樂大典卷之一萬一千九百四

永樂大典卷一萬一千九百四

十七

重錄總校官侍郎臣高拱

學士臣胡正蒙

分校官侍讀臣王希賢

書寫儒士臣陳國春

副監生臣故河

臣孫世良